



正

邪畧意

上海山灣印書館印行

No 146

正邪畧意

上海十山灣印書館印行

No 146

3000 10 34

Dominicus Gaudar, S. J. (康福民)

BREVIS

ERRORUM REFUTATIO

4^a editio

上
海
主
教
惠
重
准

一
千
九
百
三
十
四
年

第
四
版

引

世人度生。若客渡海。欲到本鄉。惟有一船。若登別舟。何能歸家。世人本家。卽是天堂。凡欲升天。應進聖教。若奉別教。斷難升天。正邪兩教。具載畧意。言雖淺近。義理宏深。天國之路。藉此可明。

正邪畧意



壹

正邪畧意 … 目錄

正邪畧意目錄

- 造物之恩不可忘
降生之恩不可忘
救贖之恩不可忘
審判之嚴當不得
魔鬼之性必當知
外教之謬正當辨
邪妄之事不可從
天堂地獄不可忘

一
三
四
六
七
八
九
十一

正邪畧意

極西耶穌會士康福民述

造物之恩不可忘

天主上主。無始無終。全能全善。全知全美。無形無聲。無所不在。靈性妙用。惟一至尊。未有天地。先有天主。一天主父。二天主子。三曰聖神。三位一體。萬有真原。萬民父母。造天造地。造神造物。萬物既備。乃造人祖。男名亞當。女名厄穢。配爲夫婦。以傳人類。命以性教。爲善避惡。上愛天主。下愛世人。天神之中。內有傲抗。罰變魔鬼。怨主害人。誘我元祖。逆命犯罪。罰出地堂。是以有死。因有原罪。延及子孫。人之肉身。父母所生。人之靈魂。天主賦畀。魂御身善。身輔魂善。身從靈魂。喜於行善。魂徇肉身。樂

正邪畧意 … 造物之恩不可忘

於行惡。魂在身生。魂出身死。靈魂不滅。有始無終。善靈上天。惡靈下地。一千六百五十六載。人多作惡。犯主義怒。主命諾厄。豫製大船。置己及妻。三子三媳。并諸物種。以備生育。乃發洪水。殄滅人物。四十日後。降罰已畢。諾厄父子。復居陸地。長生次岡。幼雅弗德。其後子孫。分居各方。亞細亞洲。皆生之後。利未亞洲。乃岡之嗣。歐羅巴洲。雅弗德後。東西南北。俱事上主。遡自天主。開天以後。三千三百。有十餘年。世忘性教。紛紛爲惡。天主降諭。令聖每瑟。普傳十誠。使復歸正。一事天主。萬有之上。二毋呼主。以發虛誓。三守主日。四孝父母。五毋殺人。六毋行淫。七毋偷盜。八毋妄證。九毋淫願。十毋貪財。守十誠命。積德累功。生爲聖人。死享真福。若負主恩。不遵主命。生是惡人。死墮地獄。

降生之恩不可忘

開闢以後。四千餘年。世背書教。絕少聖賢。眾棄大父。反拜仇魔。天主憐人。親身救世。粵稽中國。當漢哀帝。元壽二年。歲次庚申。費略聖子。不由人道。因聖神能。降孕聖母。生如德亞。名號耶穌。是真天主。亦是真人。降生於世。冬至四日。夜分星光。如同白晝。天神環衛。讚頌慶賀。守夜牧童。首先拜主。三王來朝。異星顯導。王黑落德。欲殺耶穌。天神豫告。避厄日多。潛居七年。仍回本國。主三十歲。離家傳教。多人感化。萬國聽訓。聖恩聖蹟。均難盡述。初行靈異。變水爲酒。瞽者能明。聾者能聽。暗者能言。屈者能伸。病者命愈。死者復活。步海止浪。命風停息。魔鬼畏服。蠢物聽命。主特簡選。十二宗徒。賦之聖德。上智大能。萬國方言。自能通達。教民正

道。遵守十誡。愛主愛人。善治國政。避惡爲善。克七罪宗。七罪云何。驕吝。嫉妬。迷色貪饕。忿怒懶惰。痛戒諸罪。勉力諸功。生行正路。死免墜獄。得升天堂。永享真福。主施諸惠。降生爲最。奉勸世人。獲此殊恩。

救贖之恩不可忘

天主耶穌。三十三歲。願贖人罪。甘心受死。古教官長。鐸德學士。不聽主訓。屢被主責。致生嫉妬。謀害耶穌。如達賣主。引惡黨來。主被仇執。受辱萬般。初縛石柱。鞭撻五千。全體剝傷。血流不止。良善如羊。默無一言。以棘刺冠。箍於聖首。寶血罄流。甘忍其苦。十字聖架。迫主肩負。一路壓跌。陟山受死。將主聖身。釘在架上。傷有五處。聖肋手足。釘計三點。聖軀方死。耶穌旣崩。天昏地震。日月失光。帳幔自裂。石相擊碎。墳墓自開。先聖

復生。人人悲痛。萬物慘傷。證是真主。崩後三日。耶穌復活。魂合聖身。自然出墓。五傷痕在。光明異常。初見聖母。次見聖女。屢現聖人。并諸宗徒。在世四旬。講諭天國。定立聖教。神國法度。建有七端。奇妙聖事。領洗堅振。告解聖體。終傳神品。婚配諸跡。經言禮節。旣已備詳。爰立教皇。爲眾神長。授權主教。併授鐸德。皆行聖事。代天主位。面諭宗徒。分行天下。以主聖教。訓誨萬民。與領聖水。洗罪入教。囑咐已畢。自舉升天。古聖羣從。天神簇擁。隨躋天國。歌樂讚頌。百二十人。仰穹瞻戀。送以心目。依依不舍。吾主聖體。光透諸天。坐聖父右。命二天神。降見徒前。明言諭眾。日後耶穌。從彼天國。依然下來。審判生死。升天十日。聖神降臨。宗徒頂上。火形如舌。光耀不焚。賜大聖寵。通萬國言。傳授聖教。宗徒遵命。分行萬國。

教人奉守。天主規誡。多默聖徒。首入中國。同居覆載。共沐贖恩。速當承受。無容忽諸。

審判之嚴當不得

耶穌豫言。審判前兆。天下萬國。福音全報。所簡諸聖。數目已滿。有大惡徒。要來人世。魔附其身。欺世誣民。雖有賢智。知識易昏。民與民殺。國與國爭。歲歲疫荒。地球震動。宮室隳頽。壓死多人。地張巨口。生吞奸徒。海浪猛開。驚嚇萬國。空中轟烈。暴風雷電。天德動變。怪異可畏。日月失光。星辰隕墜。火焰燦飛。焚燒人物。開闢以後。世世人民。一聞號聲。頃刻復活。善惡靈魂。俱合肉軀。赴聽審判。人人驚危。十字聖架。現於中天。耶穌威嚴。駕雲而降。善者歡欣。惡者痛哭。天神奉命。分開善惡。彰明功罪。指

出善惡。一人功罪。萬民明知。萬民功罪。各人明知。幽微暗昧。一一顯露。行善福報。作惡禍降。審判已畢。主與諸聖。榮升天堂。永享常生。靈見主美。欣樂無比。諸聖既升。地面大開。吞噲惡眾。邪魔逆人。靈魂肉身。墮受承殃。爾時懊悔。嗟何及矣。

魔鬼之性必當知

天主神體。無始無終。天神靈體。有始無終。未有人類。主造天神。在主左右。奉令承旨。先要立功。後享永福。上品天神。路濟勿爾。其才最高。大智大能。見己美妙。輒生驕傲。欲並於主。冀眾神服。三分之一。順從傲神。同背天主。罰爲魔鬼。其餘天神。奉敬上主。永享真福。護守人物。補魔失位。主造原祖。男曰亞當。女曰厄穢。此二人者。始置地堂。地堂之中。不寒不

熱。五穀百菓。不培而成。百獸眾禽。俱服其命。主賜二人。安然行善。身無病痛。不老不死。定期已滿。乃賜升天。但欲行賞。必先計功。爰示一樹。戒食其實。人而順命。獲賞無愧。魔見人福。輒生嫉妬。故用狡計。引誘厄襪。謂食其菓。卽能似主。女惑此言。摘啖命菓。轉送亞當。夫順其意。俱逆主命。同入魔網。主遣天神。逐出樂土。從此以後。萬禍齊來。饑寒勞苦。疾病殘摧。私欲惡情。撞擾中懷。種種罪罰。逆命所開。魔誘世人。方計百般。或設淫像。以蕩人心。或扮醜形。行怪異事。或假財帛。誘吞其餌。或用妖巫。邪術惑人。令愚蠢人。尊之爲主。奉勸世人。早返迷途。若從魔鬼。死下地獄。雖悔莫追。慎之慎之。

外教之謬正當辨

人在世間。非爲傳類。非爲揚名。非爲積財。主造人類。安養保存。爲信望愛。天地大主。從奉聖教。死後受賞。主賦正理。銘於人心。上古之世。未忘聖道。帝王庶民。無不崇主。迨堯與舜。以至孔孟。所敬所畏。首在主令。阻我敬主。總有三仇。肉身世俗。魔鬼卽是。敗壞愚人。迷失真主。反拜神物。直投魔網。今之儒教。已失本真。或拜文昌。以求名聲。或拜佛老。以求降祥。古聖賢人。勸人誠意。詩不云乎。昭事上帝。上帝云者。卽天主謂。今之後儒。禱祀孔子。獲罪天主。併辱孔子。釋道兩教。所敬鬼神。千奇萬怪。名目最多。蠢物死人。都稱爲主。或敬天地。日月山川。或敬古人。佛老玉皇。觀音梓童。真武天妃。蕭公晏公。關羽城隍。財神社稷。閻羅王等。要知此

正邪畧意 … 邪妄之事不可從

十

等。皆我同類。其在世間。或善或惡。死受主判。早已賞罰。若在天國。不冒爲主。若受永苦。安能出獄。掌管萬物。斯言甚誣。被魔欺誑。不獨愚夫。即聰明人。亦入其網。辨不早辨。哀哉慘哉。

邪妄之事不可從

臣敬帝皇。自有大禮。以此大禮。轉敬父母。必辱帝皇。非孝父母。奉事天主。亦有大禮。若將此禮。轉敬先人。是誣先人。併辱天主。教外之人。敬拜祖宗。不肯拜主。此乃大謬。物有本末。事有終始。彼敬祖宗。只敬其末。不敬其本。正道遠矣。主真根本。始祖之祖。不敬天主。卽棄祖宗。又有愚瞽。無知妄爲。父母入棺。設奠拜之。如此虛文。於親何益。父母死後。靈魂離身。赴主臺前。聽私審判。善靈升天。惡靈墮獄。所遺死軀。拜之無覺。有人

敬祖。簞食豆羹。置祖牌前。供其飲食。或燒紙錠。爲其享用。或焚衣服。送其穿着。或做功德。以開獄門。此禮此儀。無根無益。靈乃神體。不用財帛。卽用財帛。亦須真實。燒紙焚衣。不過是灰。錢灰何用。衣灰難穿。人非至愚。其誰信之。尤可惜者。念佛誦經。一場超度。浪費多金。若能破獄。若能救人。有錢得生。無錢則死。是生與死。但看錢財。不關善惡。有是理乎。要知賞罰。上主所定。佛居於世。自幼浪蕩。一生驕狂。久入獄中。己且莫救。烏能救人。古無紙錠。未有釋迦。上至帝皇。下至士庶。不燒紙錠。不念佛經。古之聖賢。皆非孝乎。相面算命。占卦等類。皆是魔法。陷人入獄。攻乎異端。斯害其身。明人君子。及早歸正。切勿蹉跎。以貽後悔。

天堂地獄不可忘

天主至公。賞善罰惡。賞善之所。只有天堂。罰惡之所。只有地獄。天堂地

獄。苦樂相反。天堂之樂。無比之樂。地獄之苦。無比之苦。人已升天。恒享真福。不飢不渴。無寒無暑。無哀無痛。不病不死。形神安和。獲四大恩。一曰光明。二曰神速。三曰神透。四曰無傷。獲此諸恩。樂已難名。況見主容。美妙無窮。并諸神聖。相和相愛。萬物美好。無不俱備。萬物之理。亦皆洞達。人人願欲。一一滿足。言念及此。其樂如何。保祿居世。曾見天福。見後嘆曰。至哉樂乎。我欲思議。無從思議。我欲形容。莫可形容。至哉天福。何不希獲。地獄之所。在地中心。甚暗甚醜。無底之深。地獄諸苦。總歸二者。一曰失苦。二曰覺苦。失苦罰內。覺苦罰外。人犯罪時。輕賤天主。及其死後。永不見主。失落天福。此苦莫比。生前徇欲。身後受罰。五官四肢。多加苦刑。錮於火海。永燒不死。相詈相毆。切齒自咬。羣魔行兇。百計施虐。萬

苦畢備。樂境絕無。哀哉哀哉。愈念愈畏。凡我同儕。何不早悟。悟則驚懼。懼即遷改。趨福避禍。此其時哉。

正邪畧意 天堂地獄不可忘

24

00233/